

ნიკნაზი

3
ტრინეტული
საბჭოთაობა

1982

ს.ბ. პ. ლომუხანი



— ქვირფასო სტუმრებო! როგორც ხედავთ, ჩვენ ამ ისტორიული კედლის რესტორნაცია უკვე მოვახდინეთ!..



— მაგობარო, ეს თქვენი მუსიკალური სექცია ისვენებს დღეს?

— არა, ბატონო! მაგის ავტომატური ზუსტად ოთხ საათზე გადის და თავიდანვე იჭარს თაღარიბს!

ნიანგის ინფორმაციები

რენტგენის გაშუქება

(თბილისი, № 21 პოლიკლინიკა)

დგას მეგობრობის გამზირზე ავტომანქანა — „რენტგენი“! გაშუქებ-გამოშუქება ხდება აქ გულის, ნეკნების!.. ავტო არ თბება!.. სიცივე ხორცის ფერს უმაღ ამუქებს!.. მე გამაშუქა რენტგენმა, ახლა მე რენტგენს ვაშუქებ!..

ერთი — ყველას!..

(გორი)

ქურდნი „ნიანგს“ კითხულობდნენ, — რაღაც არა მჯერა! მეც ამიტომ საიდუმლო მსურს გაგანდოთ ხელად: აქ, სასტუმრო „ინტურისტში“, (დაიჯერებთ ძნელად!) ერთი ნომრის გასაღები ალებს ნომერს ყველას!

ჭიქასა და ჭიქას შუა

(სამტრედია, „ორსი“)

ნომერ პირველ სასაუზმის გამგე გახლდათ ჭიქაშუა! ღვინოს სვამდა!.. ხელს გაპყოფდა

ჭიქასა და ჭიქას შუა!.. და 100 მანეთს თვეში ერთხელ თხოვდა, გლეჯდა თანამშრომლებს!

დაიჭირეს ჭიქაშუა, ჭიქას 9 წლით დააშორეს!

ნაგავცვენა

(რუსთავი)

რკინიგზის სადგურს აუდის კიბე, არც ისე მაღალი, მას ორთავ მს... არტყია ნაგავი — უხვად ნაყარი! კვლავ გამაღებთ იცლება კოთ-ვედროები ნაგვისა! თუ ნაგავი არ შიწყდა, აქ მთებს ვიხილავთ გაისად!

ზუსტაფონიდან — აშხაბადს...

პროკოფი ხვინჩიაშვილმა ცხრა თვის წინ, განა ამ შაბათს?! —

ელვა დეპეშა გაგზავნა ზესტაფონიდან აშხაბადს!.. სამი დღე-ღამე დეპეშას ფოსტაში გდებამ უნია!.. მერე წავიდა!.. ადრესატს თუმც დღემდე არ მიუღია!..

გაიოზ შაპერაშვილი, „ნიანგის“ კორესპონდენტი.

პინეტოვი, ნიანგის

პინეტოვი მაინც სწვევია ქალაქ ბორჯომს, უთუოდ თვალში მოხვედბოდა გენიალური კომპოზიტორის — პ. ი. ჩაიკოვსკის მონუმენტური ძეგლი, მაგრამ, შესაძლოა, ყველამ არ იცოდეს, როგორი მოჯადოებული გახლდათ კომპოზიტორი ბორჯომის ხეობით: „უკვე ორი კვირაა, რაც ბორჯომში ვარ. უნდა ითქვას, რომ ეს ერთ-ერთი უღამაზესი ადგილია, რომელიც კი ოდესმე შინახავს. ჩემი აზრით, მსოფლიოში ეს ერთ-ერთი ყველაზე საუცხოო და ღვთაებრივი ადგილია“.

ეს სიტყვები 1887 წელს დაიწერა და მას შემდეგ, რომ იტყვიან, ბევრმა წყაღმა ჩაიარა (მათ შორის — ბორჯომისამაც), თითქმის მთელმა 95 წელიწადმა, და სადღესოდ ბორჯომი, რასაკვირველია, უფრო შნოიანად გამოიყურება!

ნიანგი კი, მოგეხსენებათ, შნოსა და ლაზათს არაფრად დაგიღვეთ, ოღონდ კი რაიმეს (გინდ ვინმეს) გაპყრას კბილი (თუნდაც — მორყეული!).

ზამოთ კბილგასაკრავი გიხსენეთ, მკითხველო, და მთელი სანიანგეთის სახელით უნდა ვაღიაროთ, რომ, ამ მხრივ, ბორჯომში კარგადაც არის საქმე და ცუდადაც! კარგად გახლავთ რაიონის ეკონომიკური პოტენციალისათვის, რადგან სასოფლო-სამეურნეო პროდუქციის რეალიზაციის შედეგად მიღებულ ამონაგებში ძირითადი ადგილი მეცხოველეობას (იგივე ხორცს, ძეხვეულს და მისთ.) უჭირავს — 80 პროცენტი!.. ცუდად ჩვენთვის გახლავთ, რადგან... ახლავე მოგახსენებთ:

მალიანაც ბევრს ვეცადეთ, თვალის ასახვევად ახლომახლო სოფლებს სულაც განვერიდეთ და დაბა ბაკურიანის მეცხოველეობის საბჭოთა მეურნეობას დავადგით თვალი, მაგრამ საქმეში ხარ?! თიკანი რომ თიკანია, იმასაც არ მიგვკარგეს! გამოირკვა, რომ აქ საკუთარზე უფრო ფხიზლად დარაჯობენ და უელიან საზოგადოებრივი სექტორის პირუტყვს (წინა წელთან შედარებით, ას ტონაზე მეტი ხორცი დამზადდა, ერთნახევრად გაზარდეს წველადობაც!) განსაკუთრებით გამოირჩევიან მოწინავე მეცხოველეები: ტაბანყურელი მწველავე რიმა არშენაკის ასული მურადიანი, რომელმაც თითოეული ფურიდან 1981 წელს 2700 კგ რძე მიიღო; ჭიხარულა-ბალანთელი კოლმეურნე დავით პეტრეს ძე მელიქიძე, სკკპ წევრი, რომელიც 1470 სულ ცხვარს, არათუ ნიანგს, მგლის წუბაკ ლეკვებსაც არ აკა-



პეტრე ხაჩიძე

- ბორჯომის რაიონში




მინის ტარის უქონლობის გამო, ზოგჯერ, იძულებული არიან, ბორჯომის ძვირფასი მინერალური წყალი მტკვარს ახატანონ!..

რებს; ციხისფერელი მწველავები — მარიამ გიორგის ასული კუტალოვა და ნინო სტეფანეს ასული ილიოვა, რომელთაგან პირველმა შარშან თითოეული 17 ფურიდან 2800 კგ რძე მიიღო, ხოლო მეორემ — თითოეული 18 სულიდან — 2700 კგ.

ან რომელი მხეცი მოჰპარავს და მოსტაცებს მოზვერს თუ დეკეულს ომისა და შრომის ვეტერანს, ბრესტის ბრძოლების მონაწილეს, სამი ვაჟისა და ორი შვილიშვილის პატრონს — ბიბოლა ქუმარატაშვილს?! შარშან, 1981 წელს, მან, მასზე გაპიროვნებული 45 ხბოდან, თითოეულზე თვეში 21 კგ წანამატი მიიღო, ანუ, სადღეღამისო 360 გრამის ნაცვლად, 700 გრამი, რისთვისაც 1200 მანეთი მართო პრემიის სახით გამოენერა.

მეცხოველე ბიბოლა, ჯილდოც ამშვენებს ბევრი! გახლავთ კაცობის სიმბოლო და რაიკომის წევრი!..

მერე ვეცადეთ, კლული (დაკლული — კაცთა ენაზე) საქონლის ხორცი მაინც გაგვეკანასა რამენაირად, მაგრამ, ნიანგს კი არა, კატასაც არ ატყანებენ თურმე ბორჯომის ხორცკომბინატში, და გადავწყვიტეთ, მცენარეულობა მაინც გვეგემნა!.. წარმოიდგინეთ, რომ არც ამ უბანზე გაგვიმართლა!



სახ. ჯ. ლოლუასი

„აფიციალურად“ — მებოსტნე, აფიციალურად — ბებია! შვილიშვილები კისერზე შემოსდნენ: ბებია ჯერ არ დაგვებურბია!..

პერაფერი ბე დენაა, მშვიერ კუჭზე საერთოდ წყალი და, კერძოდ, ბუშტულეებიანი „ბორჯომი“, მაგრამ რას იზამ?! — იქნებ, ღმერთმა მოგვხედოს და ბოთლებში თავკომბალები, ბაყაყები და ჩვენივე სასაცილო მონაგარი ხვლიკები მაინც აღმოჩნდეს-თქო! ამ იმედით გავსწიეთ ჩამოსასხმელ ქარხნებში. მოგცლია?! სადაა, თურმე, მოსაცდენი ბოთლები, შიგ რომ რაიმემ დაიბუდოს?! ის კი არადა, როგორც კი მინის ტარა გამოჩნდება...

— უაღრესად ცუდ დღეში ვართ, — თავის გასაჭირზე ჩამოგვიგდო სიტყვა გაერთიანება „ბორჯომის“ მართლაც რომ გენიალურმა გენერალურმა დირექტორმა ქეთევან ხარისჭირაშვილმა, — ერთ დროს, სახელდობრ, მეცხრე ხუთწლედის ბოლოს, გვემების გადაჭარბებით შესრულებისათვის, გაერთიანებამ მთავრობის მაღალი ჯილდო — შრომის წითელი დროშის ორდენი დაიმსახურა, მაგრამ სადღესოდ ჩვენი უკეთილშობილესი, უგაზიანესი, უმაღლესმომგვრელესი (საჭიროებისას — უგულისამრევვის!) და უვიშესი (ფრანგული „ვიში“ ხომ მსოფლიოში სახელგანთქმულია) „ბორჯომი“ სულ უფრო ნაკლები რაოდენობით ეგზავნება მომხმარებელს! მიზეზი რამდენიმეა: განსაკუთრებით სცოდავს, ჯერჯერობით, ხაშურის მინის ტარის ქარხანა, რომელმაც შარშან დაგემილის მხოლოდ 10 პროცენტი მოგვანოდა და ისიც — საკმაოდ უხარისხო! აქვეა აღსანიშნავი, რომ გაერთიანებამ შემოსული კრონენკორკის 38 პარტიიდან (საიდანაც 34 პარტია ხაშურის წარმოებისაა) მხოლოდ სამი (!) შეესატყვისებოდა სტანდარტს. უხარისხო ბოთლი და კრონენკორკა, რასაკვირველია, გამონაჯონის მიზეზი ხდება. მართო 1981 წლის რვა თვეში გაერთიანებამ 190 ათასი მანეთის პრეტენზია მიიღო! და ის საველლო ფაქტი, რომ შარშანდელი გემმა — 335.000.000 ბოთლი — შეუსრულებული დარჩა, ძირითადად, ხაშურის მინის ტარის ქარხნის უყარათო მუშაობის შედეგია. ამასთანავე, მოცდენების გამო გაიზარდა მუშახელის დენადობა, დაირღვა სამუშაო რიტმი, გადაიხარჯა ხელფასის ფონდი!.. თუ მდგომარეობა რადიკალურად არ

გამოსწორდა, ბუნებრივია, შორს ვერ წავალთ! — დაასკვნა დირექტორმა და, უტაქტობად რომ არ ჩავთვლოდა, თვალზე მომდგარი ცრემლები ოსტატურად მოვარიდეთ.

ისე, კაცმა რომ თქვას, ისეთი მუშაის მოცდენა, როგორც ჩამომსხმელი ქარხნის მუშა, რესპუბლიკის უმაღლესი საბჭოს დეპუტატი პალიკო ლომიძეა, მართლაც საცოდაობა!

გამტანია ამხანაგთა, იცის, შრომა სად სჯობს: ჩამომსხმელი ქარხანა და... უმაღლესი საბჭო!..

როგორც იქნა, სასტუმროს მივაშურეთ დალილ-დაქანცულულებმა. დაბალი სადილობა იქნებოდა, ორი, ან სამის ნახევარი. ვეჭვრეთ ონკანს გულის განსაგრელებლად, მაგრამ... ნაშუადღევს ონკანში წყალს რა უნდაო?! — გაიოცა სასტუმროს მორიგე ადმინისტრატორმა; აბა, ნაშუალამეგს რა საჭიროა-თქო?! — გავიოცეთ ჩვენიც. ეგ იმას მოჰკითხეთ, ვინც გუჯარეთის წყალსადენის პროექტში, რომელიც „საქკომუნპროექტმა“ შეადგინა და სერიოზული შეცდომაც დაუშვა (საერთოდ გამოტოვა სარეაგენტო მეურნეობა, აქაოდა, მთის წყალს რაღა ფილტვრა სჭირდებაო?!).



ანა აფციაური

მწვანილი რაა, ერთი ფოთოლიც არ გაგვასინჯა სინჯად დვირელმა მებოსტნემ მერი ნიკოლოზის ასულმა გასიშვილმა, რომელმაც 0,3 ჰექტარი ფართობიდან მთელი 10 ტონა ბოსტნეული მოიწია!..

ახალდაბულ ალექსი არტემის ძე ჩაფუნელსა და მისი ოჯახის წევრებს (აგრეთვე მის მოთვინიერებულ ხარძროხებს, ხბორებს, ცხვრებს, ცხენებსა და მისთანანთ) არც ჭყინტი სიმინდის გემო სცოდნიათ და არც — ალერდისა, თორემ ერთ ჰექტარ ფართობზე საშუალოდ ექვს ტონა სიმინდის მარცვალს საიდან მოიწევდნენ?!


ბოლოს უკადრებელიც ვიკადრეთ — ჯანი გავარდეს, თივას მაინც ვიშოვიოთ-თქო, მაგრამ, ჩვენთვის კი არა, საკუთარი ხარძროხისათვის ვერ იმეტებენ მას ნაღვერელი პავლე ივანეს ძე გოგოლაძე და გვერდისუბნელი არონ გიორგის ძე სანაკოვეი, რომელთაც 7-7 ჰექტარი სათიბიდან 15-15 ტონა თივა ჩააბარეს მეცხოველეებს. მაგრამ ზემოთ დასახელებულ მონინავეთა შორის განსაკუთრებულ წარმატებას მიაღწია ცნობილმა მებოსტნე ქალმა ანა აფციაურმა.




ბიგოლა ქუმარატაშვილი

(დასასრული მე-4-5 გვ.)

— რაც უნა ბორჯომს სუამ, კიდევ ბატონა პაპ-მელიაზა თავი?!



ამხანაგური მებაღეობისათვის ჩვენს რესპუბლიკაში გამოყოფილ მათას შექტარამდე მიწას ხშირად დანიშნულებისამებრ არ იყენებენ!



ნ.ხ. დ. ზარაფიშვილისა

— მთელ ნაკვეთზე რომ ამხელა სასასლა ნამოჭიბა, ბაროს და თოხნოს ახლა სახურავზე!..

განმხილვა

მეტროპოლიტანში, მგზავრების უკეთ მომსახურების მიზნით, გვესაჭიროება: მკვალავები (ზოგიერთმა მგზავრმა ჭერ კიდეც არ იცის, რომ, ესკალატორზე თუ არ ჩადის, მარჯვენა მხარეს უნდა იდგეს!); მბიკველები (კარებთან ხშირად იმდენი ხალხი დგება, ვაგონში შესვლა ჭირს!); გამომფხილებლები (ზოგიერთი მგზავრი ფიქრებაშია გართული, ზოგი, მართლა მუტრუკი, დადგება ვაგონის კარებში, ან ესკალატორის მარცხენა მხარეს, და ხელს უშლის სხვა მგზავრებს!); ხელფასი — ჯან-ლონის მიხედვით.

იოსებ ლეხანიძე

ნ.ხ. ბ. ფირცხალავასი



ბ. 81

— ამ მეტროს ვერ მოვუხერხე ვერაფერი, თორემ ტროლეიბუსი და ავტობუსი უფასო მაქვს!

— ძალიან გთხოვთ, ჩაიბარეთ შამპანურის ბოთლები! სულ რამდენიმე ცალია!..
— ხომ გითხარით, შამპანურის ბოთლებს ჩვენ არ ვიბარებთ, კანდელაკზე წაიღეთ-მეთქი?!
— კანდელაკზე ზეთის ბოთლებს არ იბარებენ! სად ვათრიო ესენი?! ტაქსს არ ეყოფა ამ ბოთლების ფული! დალახვროს ეშმაკმა! ეს ღვინის ბოთლები მაინც მომაშორეთ!
— აი, იმ ყუთში ჩაალაგეთ!.. ჯერ მაჩვენეთ, რა ბოთლებია?!
ო, „გარეჯის“ ბოთლებს ავლბარში იბარებენ! „ბახტრიონი“ და „ვაზისუბანი“ დატოვეთ ჩვენთან!
— კი მაგრამ, რა განსხვავებაა „გარეჯის“, „ბახტრიონისა“ და „ვაზისუბანის“ ბოთლებს შორის?
— რა ვიცი! ალბათ, არის! ყოველ შემთხვევაში, ჩვენ უფლება არა გვაქვს!
— ხომ ჩამიბარებია თქვენთან „გარეჯის“ ბოთლებიც?!
— ჩუღურეთის შუშის ტარის მიმღებ პუნქტში რომ რემონტი იყო, მაშინ „გარეჯის“ კი არა, რძის ბოთლებსაც ვიბარებდით, მაგრამ ახლა, მანვინის ქილების მეტს, თუ ხედავ რამეს იმ თაროზე?
— ესე იგი, იქ უნდა წავიღო, არა?!
— თქვენი ნებაა!
— სად საბურთალო და სად — ჩუღურეთი?! ღმერთი არა გნამთ?! ძალიან გთხოვთ!.. ამ ბოთლებით ისეთ სტუმრებს ვეცი პატივი, ისეთი სადღეგრძელოები დავლიეთ... ამ ორ ბოთლში, კიდეც, ისეთი ადესა მესხა!..
— რა ჩემი საქმეა, რომელი ბოთლით რა სადღეგრძელო დალიეთ და რომელ ბოთლში რა ღვინო გესხათ?! მაგერ ზეთის ბოთლები გქონიათ! აი, იმ ყუთში ჩაალაგეთ! რისი უფლებაც გვაქვს, იმაზე ხომ არ გეუბნებით უარს?!
— ზეთის ბოთლები ბევრი არ არის! სულ გადაყრიდი, ესენი რომ მომაშორა!..
— ოღონდ, ბამბის ზეთის ბოთლებს არ ვიბარებთ! მზესუმზირასი ამოალაგეთ მხოლოდ!
— კი მაგრამ, რამ გაყო ბამბისა და მზესუმზირას ზეთის ბოთლები?! თუ ასეა საქმე, ეტიკეტებს მოვაძრობ და ბოთლი ბოთლი იქნება!
— კომისია კომისიაზე დადის! თავს ხომ არ დავიღუპავ?! ეს რა ქილებაა?!
— ბულგარული წინაკისა!
— თქვენ, ამხანაგო, ამ ქალაქში არ ცხოვრობთ?! არ უნდა იცოდეთ, სად რას იბარებენ?! ჩვენ ბულგარული ლობოს ქილებზე ვმუშაობთ! ბულგარული წინაკის ქილებისათვის, რახანია, გლდანის მასივში გახსნეს ცენტრალიზებული შუშის ტარის მიმღები პუნქტი!
— არყის ბოთლებს თუ ღებულობთ?
— ა, ბატონო, სია! შავით თეთრზე სწერია, რას ვღებულობთ და რას არა!
— ესე იგი, „ნარინჯოვანი მწარის“ ბოთლები ტყუილად წამომიღია!..
— რას მოგქონდათ, მერე, თქვე დალოცვილო?! ჯერ გაგეგოთ, სად რას იბარებენ! „ექსტრა“ მოიტანეთ, რამდენიც გნებავთ, ან „პშენიჩნაია“! ნახეთ, თუ არ ჩავიბაროთ!..
— რომ მქონოდა ან ერთი, ან მეორე, სახლში ხომ არ დავტოვებდი?!
— გადაცვალეთ „ექსტრაზე“ ან „პშენიჩნაიაზე“! ბულგარული წინაკის ქილებიც შეგიძლიათ გადაცვალოთ ლობოსაზე!
— სად უნდა გადავცვალო, ან სადა მაქვს მაგის თავი?! ოღონდ ჩაიბარეთ და; ქილაში ხუთ კაპიკს მოგცემთ!
— ასეთ ქილებს ათ კაპიკად ვიბარებთ!
— რაც მქონდა, ტაქსს მივეცი! წვრილი ფულილა დამრჩა!..
— მე რა ვქნა?! როცა მსხვილი ფული დავრჩებათ, მაშინ მოდიო!



გონივრული ანდაზა გვაფრთხილებს: იმ ტოტს ნუ შოჭრი, რომელზედაც წიხარო. ეს ანდაზაც კარგად ვიცოდი და ისიც, რომ იმ ტოტს ვჭრიდი, რომელზედაც ვიჯექი, მაგრამ...

ყველაფერი კი ასე დაიწყო: ერთ მშვენიერ დილას ანუ მუშაობის დანაშაულის მესამე დღეს, რედაქტორმა გამომიძახა.

— აბა, შენ იცი! ფხა უნდა გამოიჩინო ასლა: ფელეტონი გეჭირდება სატრანსპორტო საკითხზე! ეს გადაათვალიერე, დაგეხმარება, — თქვა და წერილების დასტა გამომიწვინა.

კიდევაც გადაათვალიერე, კიდევაც წავიკითხე. არ გამოვიდა აქედან არაფერი. სამუშაო საათები ისე მიიღია სათაურის მეტი ვერაფერი მოვიფიქრე.

თბილისში მე იმ უბანში ვცხოვრობ, „აფრიკას“ რომ ეძახიან. იცით, ალბათ, სადაც არის: კონგოსა და კაიროს შორის მდებარეობს. ხუთი ნომერი სამარშრუტო ტაქსი მიდის იქ კოლმეურნეობის მოედნიდან, მაგრამ ხანდახან ესენი ისე დადიან, როგორც მძლოლებს მოესურვენათ, ჰოდა, რადგანაც მგზავრთა სურვილი მძლოლთა სურვილს ხშირად არ ემთხვევა, ამ ტაქსების იმედი არ უნდა გქონდეთ მაინცდამაინც. № 10 მარშრუტის ავტობუსზე სხვები იტყვიან ალბათ და... ღმერთმა ააშენოს გამვლელ მანქანათა აი, „უაზებს“ რომ ეძახიან, იმათი მძლოლები. ფხაი იგივე — 20 კაპიკი (ზოგჯერ ნაკლები), არც საათი ლოდინი, არც ნერვების წეწვა, არც ფეხზე დგომა. სამუშაოდან დადღლილ-დაქანცული გამოსული 5-10 წუთში სახლში ხარ. ლიფტსაც კი მიასწრებ კაცი! დილას კიდევ (კიდევ ააშენოთ ღმერთმა!) — ნორმალურ დროზე ადგომა და დაუგვიანებლად მისვლა სამსახურში!

მაგრამ... მაგრამ... მაგრამ... მიუბა ამ საღამოს ერთმანეთს კითხვები, თანაც მაშინ, როცა უკვე „გამვლელ მანქანაში“ მძლოლის გვერდით მედიდურად მოკალათებული მივჭროდი „აფრიკისაკენ“ და თან რედაქტორის დავალებზე ვფიქრობდი.

თავიდანვე, ცოტა არ იყოს, ვყოყმანობდი, მაგრამ ბევრჯერ გამიგონია ჩემს მიმართ (და არა მარტო ჩემს მიმართ) ირონიულად ნათქვამი: „წერე და იკითხე, ბიძია, რამდენიც გინდაო!“ ჰოდა...

ღამის სამი საათისათვის ფელეტონი გამომცხვარ-შეკაზმული იყო. სათაურ-

„აფრიკისკენ“ მივაპალი...

იც შესაბამისი გამოვუძებნე „ხალტურ-შრიკები ანუ უსინდისო ჯიბის გამსქელებლები“.

ფელეტონის გამოქვეყნების მეორე დღეს, დილით, იმ ადგილას, რომ მივედი, სადაც ჩემი ფელეტონის გმირები თავიანთ „უაზებს“ აჩერებდნენ, ავტოინსპექციის მანქანა შემრჩა ხელთ...

სამსახურში ორმოცდახუთი წუთით დავიგვიანე! პირველი შემთხვევააო და მითითება მაკმარეს...

სალამოს, როგორც კი მეტროსთან მდგარი „უაზი“ დავინახე, იმ წუთშივე ედურთე თავი შიგ, მაგრამ, კილომეტრიც არ გვექონდა გავლილი, ინსპექტორმა გაგვაჩერა... რა გზა იყო, ჩამოვედით.

— ყველაფერი იმ ფელეტონის ბრალია! — თქვა უცბად ვილაცამ და გემოზე შეიგინა.

— აბა, კაცო! — დაუკრეს კვერი.

ფელეტონის ავტორის დამუშავება მაშინაც გრძელდებოდა, როცა ავტობუსს ველოდით და მაშინაც, როცა ავტობუსში ტიკიპივივით ვიყავით ერთმანეთს მიკრული.

— ნაიკითხეთ? — მკითხა ნაცნობმა.

— როგორ არა! — ენის ბორძიკით ვთქვი ნირნამხდარმა.

— ერთი მაჩვენა მაგისი ავტორი, ძვალ-რბილს გაუფერთიანებ! —

— თვითონ ვაკეში ცხოვრობს ვილაცამა და თბილისი ვაკე, ვერა და რუსთაველის პროსპექტი ჰგონია უბედურს! — შემოგვიერთდნენ ლაპარაკში.

— ერთი მე მაგისი...

— მაბუფვინა გემოზე, მეტი არაფერი მინდა!

— აბა კაცო?!

კიდევ კარგი ფელეტონი ფსევდონიმით გამოქვეყნდა, თორემ ერთს მაინც რომ დაუპირებინა იმის ნახვერის ასრულება, რასაც ლაპარაკობდნენ, სამუდამოდ უნდა გამოეთხოვებოდი თბილისს.

ბუმბარანი

მ ი ნ ი ა ტ უ რ მ ბ ი

პაციენტი: როგორ იქნება ჩემი საქმე?
ექიმი: ორ წამალს გამოგიწერთ — ერთი მოგიხდებათ, მაგრამ ვერ იშოვით! მეორე, შესაძლოა, არ მოგიხდეთ, სამაგიეროდ ადვილად იშოვით!

— რა დღეშია თქვენი წელკავი?
— ისევ ისეა! კლინიკური და ამბულატორიული მკურნალობა ჩავიტარე! კურორტებზე ვიყავი! საავადმყოფოში ვიწექი! კერძო ექიმთანაც ვახლდით! ასლა ერთ ექიმბაშთან მივდივარ, ძალიან აქებენ! მე რე ისევ თავიდან დავიწყებ!

აკოლოზ ბასილიაი

ტყევი

(იგავი)

ჩხაოდა ყვავი, წერდა მავანი:
„მშობლიურ ტყეებს იგი უმღერის!..“
მშიერი ხროვის შთამომავალი —
მოძუნძულებდა ტყეში ძუ მგელი!..

ჩხაოდა ყვავი და ყვავის ჩხავილს
ერქვა სიმღერა, ყვავს — მომღერალი!
ჭოტის თვალს, როგორც წყვილადის
ყვავილს,
შესციციენბდა მელა — მწერალი!..

ყმუოდა მგელი, კიოდა ჭოტი,
წაუკრინებდა ჟამიჟამ ტურა!..
სულგანაბული უსმენდა ლომი
ჭოტის საამო კოლორატურას!..

ასე ფიქრობდა ბრძენი მელია,
როცა ტრიბუნას ძალით ართმევდნენ:
„თუმცა ეს ღამე ერთობ გრძელია,
ბოლოს და ბოლოს, უნდა გათენდეს!“

შეშინებული ტოვებდა სცენას,
იცვლიდა სახელს, აზრებს და სოროს,
აშრიალებდა ტყეს ფოთოლცვენა
და სოლიდური სულელის სოლო!


ბივი ალხაზიშვილი

ნახ. ა. ოპაროპირიძისა



უსიტყვოდ

ნახ. მ. აბაშიძისა



უსიტყვოდ

გაზეთებიდან



საერთო საქმისთვის თავდადებული

გაბროვოვული სუმრობები

მოატყუა!

გაბროვოვული ერთ იაფფასიან სასტუმროში გაჩერდა. ღამე ბალნინჯოები დაესივნენ. იგი ადგა, აანთო შუქი, გააღო კარები, შემდეგ მაგრად მოიჯახუნა და დაწვა.

გვერდით მწოლი მეზობელი გაოცდა. გაბროვოვლმა უთხრა:

— ბალნინჯოები მოვატყუე! ეგონებათ, რომ წავედი!

ძუნწი

გაბროვოვლმა კარების შეკეტება დაიწყო და შვილი გაგზავნა მეზობელთან ხელეროს სათხოვნელად. ბავშვი ხელცარიელი დაბრუნდა: მეზობელმა დაუმალა ხელერო, არა მამკვსო, უთხრა.

— რა ძუნწია! — აღშფოთდა მამა, — ჩადი სარდაფში და ჩვენი ხელერო ამოიტანე!

აბანოში

- რა ღირს აბაზანის ბილეთი?
- ორი ლევი.
- აი, ერთი ლევი და აბაზანა ნახევრად ამივხეთ!

ოჯახური საუბარი

- პენსიისთვის მკაცრი დიეტა დაუნიშნავთ!
- მოვიწვიოთ ვახშამზე!

საკუთარი წარმომავლისა

გაბროვოვული სტუმარს კარტოფილით უმასპინძლდება.

- მიირთვით, ნუ გრცხვენიათ, ჩემი მოყვანილია!
- კი მაგრამ, თქვენ ხომ ბოსტანი არა გაქვთ?
- სასაფლაოზე ადგილი ვიყიდე, ხოლო რადგან ჭერ არ მჭირდება, კარტოფილსა ვთესავ ხოლმე!

სტიმული

ფეხბურთის მწვრთნელი — მემარხის: ბაღეს გაუფრთხილდი, არავის შეგაღვინო, თორემ ხელფასიდან დაგიკვითავ!

სკოლაში

მასწავლებელი ბავშვებს უხსნის ლითონთა თვისებებს:

- ბავშვებო! აი, ახლა ამ ოქროს მონეტას ჩავაგდებ მთავაში. როგორ ფიქრობთ, იგუფუტდება?
- არა! — მიუგებს ერთსმად.
- რატომ?
- ეგ რომ ფუჭდებაო, არაფრის გულისთვის შეგ არ ჩავაგდებდით!

ბუღდგარულიდან თარგმნა ჯანაშვილმა სერბიელმა



საბრძოლველად ქვეყნისთვის
შურნალოვანი მანკები
№ 1 (1613) თებერვალი
გამომდის 1923 წ. ივნისიდან.

**მთავარი რედაქტორი
ზაურ ზოლქვაძე**

**სარედაქციო
კოლეგია:**

- ზაურ ამირაჯიანი,
- ნოგაი ბარბაქაძე,
- ბორის გურგუაძე,
- ნოდარ ლუგვანი,
- კეკელიძე თეოდორე,
- ჯემალ ლოლაძე,
- ნოდარ შალვაშვილი
(შეატვარი-რედაქტორი),
- ალექსანდრე სამსონია,
- ბეჟან სინარულიძე
(პასუხისმგებელი მდივანი),
- გიგლა ფიცხალაძე,
- ჯანსუღ ნარკვიანი,
- თამაზ წიფჩივაძე,
- ვაჟა ზანიშვილი
(მთავარი რედ. მოადგილე),

ნაფი ჯუსუიტი.

**ტექნიკური რედაქტორი
მიხეილ კახალაშვილი**

გადამცემი ასაწყობად

6. 1. 82 წ.
ხელმოწერილია დასაბამად
23. 2. 82 წ.
ქალაქის ზომა 70x100
ფიზიკური ნაბეჭდი
ფურცელი 1
საალრიცხვო-საგამომცემლო
თაბახი 1,7
საქართველოს კვ ც-ის
გამომცემლობა
ლენინის ქ. №14,
შეკვეთა № 28, უე 06096
ტირაჟი 148.950.
უფრალი გამოდის
თვეში ორჯერ.
რედაქციაში შემოსული
მასალები ავტორებს
არ უბრუნდებათ.

ჩ ვ ე ნ ი მ ი ს ა მ ა რ თ ი:
380008, თბილისი-8, რუსთაველის
პროსპექტი, № 42.

ტ ე ლ ე ფ ო ნ ე მ ბ ი: მთავარი
რედაქტორის — 99-55-54, მთ.
რედ. მოადგილის — 93-19-42,
პ/მე მდივნის — 93-10-78, მხ-
ტვარი-რედაქტორის — 99-02-38,
განყოფილებათა გამგეების —
93-49-32, რედაქტორ-ლიტმუსაქე-
ბის — 99-02-38, მდივანი-მემან-
ქანის — 99-76-69.

სატირიკო-იუმორისტული
ჟურნალი «Н И А Н Г И»
(На грузинском языке)
Тбилиси, пр. Руставели № 42.
Издательство ЦК КП Грузии
Типография Издательства ЦК
КП Грузии, Тбилиси, улица
Ленина № 14.

ფასი 20 კაპიკი
ინდექსი 76137